

## UGOVOR O NABAVCI I ISPORUCI AUTO DIJELOVA

### I UGOVORNE STRANE

1. **KANTONALNA UPRAVA CIVILNE ZAŠTITE KANTONA SARAJEVO**, ul. Fehima ef. Čurčića br. 1., Sarajevo, ID broj: 4200665390008 koju zastupa direktor, Dženan Brkanić, (u daljnjem tekstu: **Kupac**), i
2. **MIRADO d.o.o.**, ul. Stupine br. B11, 75000 Tuzla, ID broj: 4209070880009, koju zastupa izvršni direktor, Admir Fejzić (u daljnjem tekstu: **Prodavac**).

U daljem tekstu Ugovora, kada se Kupac i Prodavac navode zajednički, tj. zbirno, tada su označeni kao „**Ugovorne strane**“.

### II OSNOV ZA ZAKLJUČENJE UGOVORA

Osnov za zaključenje ovog Ugovora je Odluka o izboru drugorangiranog ponuđača za nabavku i isporuku auto dijelova, Kupca, broj: 06-11-181-14/24 od 07.05.2024. godine i ponuda Prodavca, broj: I-1377/24 od 15.04.2024. godine.

### III PREDMET UGOVORA

#### Član 1.

Predmet ovog Ugovora je nabavka i isporuka auto dijelova, prema tehničkim specifikacijama, koje su navedene u Tenderskoj dokumentaciji za nabavku robe Kupca, broj: 06-11-181-2/24 od 03.04.2024. godine, kao i u ponudi Prodavca, br. I-1377/24 od 15.04.2024. godine, koje čine sastavni dio ovog Ugovora.

#### Član 2.

Auto dijelove (u daljem tekstu: roba) iz člana 1. ovog Ugovora, Prodavac je dužan isporučiti prema svojoj Ponudi, te prema uputstvima Kupca i u skladu sa važećim tehničkim propisima, pravilima i standardima.

### IV CIJENA I NAČIN PLAĆANJA

#### Član 3.

Nakon provedene e-aukcije ukupna vrijednost ovog okvirnog sporazuma bez PDV-a iznosi: 26.999,00 KM (slovima: dvadesetšestiljadadevetstotinadevedesetdevet KM) bez uračunatog PDV-a.

PDV na ukupnu vrijednost robe iz stava (1) ovog člana iznosi 4.589,83 KM (slovima: četirihiľjadepetstotinaosamdesetdevet i 83/100 KM).

Ukupna vrijednost ugovorene robe sa PDV-om iznosi 31.588,83 KM (slovima: tridestjednahiljadpetstotinaosamdesetosam i 83/100 KM).

Cijena je fiksna i ne podliježe nikakvim promjenama za vrijeme trajanja Ugovora.

#### **Član 4.**

Ugovorne strane su saglasne da će Kupac ukupan iznos iz člana 3. stav 3 ovog Ugovora isplatiti Prodavcu po obostranom potpisivanju ugovora, a nakon isporuke, u roku od 10 dana na račun Prodavca broj: 132-100-03042600-05 otvoren kod NLB banke d.d. Sarajevo.

U slučaju da se prilikom primopredaje robe, konstatuju nedostaci i odstupanja od tehničkih specifikacija datih u Ponudi br. I-1377/24 od 15.04.2024. godine, Kupac se obavezuje da će isplatu izvršiti odmah, a najkasnije u roku od 10 dana, nakon što Prodavac otkloni nedostatke konstatovane u Zapisniku o primopredaji roba iz člana 9. stav 1. ovog Ugovora.

### **V ROK I MJESTO ISPORUKE**

#### **Član 5.**

Prodavac se obavezuje da će robu iz člana 1. ovog Ugovora, isporučiti najkasnije u roku do 10 dana od dana obostranog potpisivanja Ugovora na adresu: ul. Fehima ef. Čurčića br. 1., 71000 Sarajevo.

#### **Član 6.**

Ugovoreni rok isporuke robe iz člana 5. ovog Ugovora, može se produžiti u slučaju:

- nastanka više sile ili drugih okolnosti koje Prodavac nije mogao predvidjeti,
- kada ugovorne strane sporazumno produže ugovorni rok.

Pod višom silom se podrazumijeva slučaj kada ispunjenje obaveze postane nemoguće zbog vanrednih vanjskih događaja na koje Prodavac nije mogao uticati, niti ih predvidjeti ili spriječiti.

#### **Član 7.**

Ugovoreni rok isporuke robe zbog nastanka više sile ili drugih okolnosti koje Prodavac nije mogao predvidjeti može se produžiti i isti odobrava Kupac, s tim što je Prodavac dužan da u roku od sedam dana od nastanka više sile ili drugih okolnosti zbog koji ne može izvršiti svoje obaveze po ovom Ugovoru, obavijesti Kupca.

Ukoliko Prodavac svoje obaveze, zbog dejstva više sile ili nastanka nepredviđenih okolnosti, ne može ispuniti u roku iz prethodnog stava, Kupac ima pravo na raskid Ugovora.

### **VI KVALITET ROBE**

#### **Član 8.**

Prodavac se obavezuje da isporučena roba iz člana 1. ovog Ugovora, bude traženog kvaliteta i karakteristika, odnosno kvaliteta i karakteristika koji je dao u svojoj Ponudi, br. I-1377/24 od 15.04.2024. godine, a koju je Kupac odabrao kao najpovoljniju.

Kvalitet i karakteristika robe koja je predmet ovog Ugovora, kontrolisat će ovlašteni predstavnici Prodavca i Kupca.

Primopredaju robe između Prodavca i Kupca izvršit će ovlašteni predstavnici Prodavca i Kupca.

O navedenoj primopredaji robe sačinat će se Zapisnik o primopredaji, odmah, a najkasnije u roku od 24 sata, od prijema robe, koji će potpisati ovlašteni predstavnici Prodavca i Kupca.

#### **Član 9.**

Sva eventualna odstupanja i nedostaci, prilikom primopredaje robe, konstatovat će se Zapisnikom o primopredaji robe.

Prodavac se obavezuje da će primjedbe konstatovane Zapisnikom o primopredaji otkloniti, o svom trošku, odmah, a najkasnije u roku od sedam dana, od dana potpisivanja navedenog Zapisnika. Ako u navedenom roku Prodavac ne otkloni primjedbe konstatovane Zapisnikom o primopredaji robe, Kupac zadržava pravo da raskine Ugovor.

## **VII OBAVEZE PRODAVCA I KUPCA**

### **Član 10.**

Prodavac se obavezuje:

- da će dostaviti garanciju za uredno izvršenje ugovora u obliku безусловne/bankarske garancije u roku od pet dana od dana zaključivanja/obostranog potpisivanja Ugovora u iznosu od 10% od ukupne vrijednosti ugovorene robe bez PDV-a iz člana 3. ovog Ugovora, koji se naplaćuje ukoliko Prodavac ne izvrši svoje obaveze po ovom Ugovoru ili neuredno izvrši iste;
- da će ugovorene obaveze izvršiti blagovremeno, u ugovorenom roku, stručno i kvalitetno, prema dostavljenoj Ponudi;
- da će u najkraćem roku otkloniti eventualne nedostatke koji mu budu predloženi prilikom primopredaje roba iz člana 1. ovog Ugovora od strane ovlaštenog lica Kupca;
- da će prilikom primopredaje roba iz člana 1. ovog Ugovora, Kupcu predati garanciju na isporučenu robu, odnosno da će isporučiti autodijelove prema deklaraciji proizvođača.

### **Član 11.**

Kupac se obavezuje:

- da će izvršiti uplatu ukupne cijene vrijednosti ugovorene robe iz člana 3. ovog Ugovora, na način i u roku utvrđenom u članu 4. ovog Ugovora;
- da će pismeno obavijestiti Prodavca o svakom eventualnom propustu Prodavca u odnosu na pitanja utvrđena ovim Ugovorom.

## **VIII GARANTNI ROK**

### **Član 12.**

Za isporučenu robu važi garancija proizvođača robe. Garantni rok teče od dana kompletne isporuke robe.

## **IX UGOVORNA KAZNA I RASKID UGOVORA**

### **Član 13.**

Ukoliko Prodavac ne izvrši svoje obaveze u ugovorenom roku, dužan je da, Kupcu za svaki dan zakašnjenja plati ugovornu kaznu u iznosu od 0,1% od ukupne vrijednosti ugovora bez PDV-a. Ukupna vrijednost ugovorne kazne koja se plaća ne može iznositi više od 10% od ukupne vrijednosti Ugovora.

### **Član 14.**

Ukoliko isporuka roba ne bude u ugovorenom roku iz člana 5. ovog Ugovora ili u dodatno dogovorenom roku iz člana 7. ovog ugovora, Kupac zadržava pravo jednostranog raskida Ugovora. Razlog za raskid Ugovora može biti i stečaj, likvidacija ili drugi oblik prestanka postojanja Prodavca ili više sile.

**Član 15.**

Ugovorne strane su dužne u roku od sedam dana obavijestiti drugu stranu o nastupanju razloga zbog kojih se ne može realizovati ovaj Ugovor.

**X PRELAZNE I ZAVRŠNE ODREDBE**

**Član 16.**

Prodavac nema pravo zapošljavati, u svrhu izvršenja ovog ugovora, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, najmanje šest mjeseci po zaključenju ugovora, odnosno od početka realizacije ugovora.

**Član 17.**


Ugovorne strane su saglasne da će sve nesuglasice i sporove, koji eventualno mogu da proisteknu iz ovog Ugovora, prvenstveno nastojati riješiti sporazumno, a ukoliko to ne budu moguće, nadležan je Općinski sud u Sarajevu.

**Član 18.**

Ovaj Ugovor stupa na snagu danom njegovog potpisivanja od strane ovlaštenih predstavnika Prodavca i Kupca.

**Član 19.**

Ugovor je sačinjen u 5 (slovima: pet) istovjetnih primjerka, od kojih Kupac zadržava 3 (tri), a Prodavac 2 (slovima: dva) potpisana i ovjerena primjerka.



...  
TOR

M.P.



KUPAC

...  
nić

Broj: \_\_\_\_\_  
Sarajevo, \_\_. \_\_. 2024. godine

Broj: 06-11-181-18/24  
Sarajevo, 14. 11. 2024. godine

